

165 有米。亦磨作餅喫也。土地出駝騾羊馬。出高大「驢氎布寶物。言音各別。不同餘國。土地人性。愛興易。²⁹常於西海汎舶。入南海」向師子國。取諸寶物。所以彼國云出寶物。亦向崑崙國取金。亦汎舶漢地。直「至廣州。取綾絹絲綿之類。土地出好細疊。國人愛煞生。事天不識佛法。」

又從波斯國。北行十日入山。至大窳國。彼王不住本國。見向小拂臨國住也。爲「打得彼國³⁰。彼國復居山島。處所極窄。爲此就彼。土地出駝騾羊馬疊布毛毳。亦有寶物。衣著細疊寬衫。衫上又披一疊布以爲上服。王及百姓衣服。一種無別。」女人亦著寬衫。男人剪髮在鬚。女人在髮。喫食無問貴賤。共同一益而「食。手把匙筋。取見極惡。云白手煞而食。得福無量。國人愛煞事天。」不識佛法。國法無有跪拜法也。又小拂臨國。傍海西北。卽是大拂臨「國。此王兵馬強多。不屬餘國。大窳數迴討擊不得。突厥侵亦不得。土」地足寶物。甚足駝騾羊馬疊布等物。衣著與波斯大窳相似。言「音各別不同。又從大窳國已東。並是胡國。卽是安國。曹國。史國。石騾」國。米國。康國等。雖各有王並屬大窳所管。爲國狹小。兵馬不多。不能自「護。土地出駝騾羊馬疊布之類。衣著疊衫袴等及皮球。言音不同諸國。又此